

UN

POCO

DI TUR COS

Jossey M. Mansur

Pauline Musters (1876-1895), di Hulanda, tabata e mujher mas cortico den historia. E tabata midi un maximo di 23.2 inch di halto!

Na aña 1895 e fisico Aleman, Wilhelm Roentgen (1845-1923) a descubri X-ray, den e albornan di e era atomico.

Proverbio Griego: Cabey blanco ta un simbolo di vehez, no di sabiduria.

Bo tabata sa cu e pipitanan di stof di e meteorito Murchison cu a cay na Australia na September 1969, ta anterior na e formacion di e Sistema Solar? Esey a ser informa na Augustus 1978!

E motocicleta mas caro registra te awor ta unocu a ser subasta na Merca na un balor di 18,000 dolar. Ta trata di un Henderson di aña 1912 cu na Juni di 1980 a ser bendi na e postor mas halto.

Charles de Gaulle: "Dificultad ta atrae e homber di caracter, pasobra ta den adversidad e homber berdadero ta conoce su mes".

Un copi pa bebe te; cu tabata pertenece na Rey Federico E Grandi, di Prusia, ta ser conserva den un museo na Berlin. E motibo? Pasobra e ultimo gesto di Federico, ariba su cama di morto, tabata pusha e copi, cu a cay y kibra. Pesey e fragmentonan di e copi ta ser warda den e museo.

Edmond de Rostac tabata reserva un biaha cada luna, y durante 22 aña; henter e sala di comedor di e Cafe Vachette, na Paris, pa e come su so, y semper e tabata cena cu 42 diferente tipo di sopi!

D. L. Moody: "Si mi cuida mi caracter, mi reputacion lo cuida su mes".

Un cos curioso di naturaleza ta cu cabey humano ta crece mas lige parti mainta cu den cualquier otro parti di dia.

G. Bieghler: "Grandeza ta ser logra ora cu bo kier ta util, no ora cu bo kier ta grandi".

Alexis Marmet, un pastor di Saint Prex, Suiza, a localiza un fuente di awa 6,000 milla leu! El a sostene un pendulum ariba un set di mapa den su estudio y a determina e posicion exacto y e profundiad di awa bao tera na e Monasterio di San Camilo, situa na Popayan, Colombia. El a marca ariba su mapanan cu awa lo ser haya na 27 meter di profundiad y awa a aparece exactamente na e profundiad ey y na e lugar cu el a indica ariba su mapanan! El a bisa tambe cu e awa lo core na e rata di 500 liter pa minuut y esey tabata corecto tambe. Tur esaki a sosode na aña 1927.

Bo tabata sa cu bo cuero ta pisa dos biaha mas cu bo cerebro?

Si bo no corta bo huñananan nunca, ora cu bo yega 80 aña di edad, nan lo a crece te bira 13 pia largo!

Sra. Digna Lacle - Herrera contento cu acuerdo cu Exxon

ORANJESTAD(AAN) — Encuanto e firmamento di un dealcontract cu Exxon Sr. Lacle a bisa lo siguiente. Desde cu gobierno a sinta tur su atencion a keda dirigi ariba posibel reapertura di e refineria. Tur hende sa cu tur posibel candidatonan no tabatin e fondonan necesario, ni otro requisitonan pa por a tuma over e operacion di e refineria.

Gobierno despues a drenta den un otro fase, esta di bay negocia cu Exxon ariba e daño di perjuicio cu Exxon lo tin di bay paga e hacimento limpi di e tereno di Lago, enfin henter un pakete di negociacion den cual Aruba lo saca e mihor deal posibel, tur esaki denter di margen di ley.

Sra. Lacle a sigui bisa cu e expertonan negociador pa Gobierno a tene varios reunion cu representante-nan di Exxon, pero cada bez tabata worde confronta cu e ponencia di parti di Exxon cu e caso cu tin andando na Huez encuanto belasting cu Gobierno tin pa cobra Lago mester forma parti di e pakete total.


Gobierno a keda insisti cu esey no por ta e caso. Fin di aña e negociacionnan a tranca pero no a tarda mucho cu a bini un doorbraak. Exxon kier papia y a acepta di papia

ariba parti di e pakete.

Siman pasa Diahuebs porfin a yega na firmamento di e promer parti den e negociacionnan y segun Sra. Lacle, e por bisa cu Aruba a haci un bon deal, obteniendo e planta di coriente cu ta algo hopi costoso y awor un parti grandi di e tereno di Lago a keda den man di

Gobierno pa otro industria por establece nan mes ey riba. Cu limpieza di e tereno mas di 50 hende lo cuminsa cu trabao y esaki ta nifica entrada pa nan famia. Por papia anto di un paso mas den direccion di yega na un final den negociacionnan cu lo trece pa Aruba e mihor ventaha posibel.

Frisian Flag



Carnaval sin **FRISIAN FLAG**
"no" ta carnaval.



Comprá Ltd.

Engelandstraat-Eagle

Carnival time na

bo miho adres bma

B.M.A. a caba di ricibi un lote grandi di

HARDBOARD

especialmente pa bo carosa of trailer.

ADEMAS PA CARNAVAL:

Verf Sikkens den diferente color y tin un surtido di verf off-white na prijs di Carnaval.

Waya, spiel, lijm y tur material cu bo mester pa Carnaval.

Y pa cada compra di Af. 150,- na B.M.A. bo ta ricibi
UN BUNITA PECHI

(maximal 3 pechi pa cada compra y tanten cu tin den stock)

PROVECHA DI NOS HAPPY HOUR - TUR DIASABRA-MAINTA